

477. II, 6-14 — Carta de frei Jerónimo, geral da Ordem de Santo Agostinho, a D. João III a respeito do Concílio Tridentino. Trento, 1546, Fevereiro, 17. — *Papel. 2 folhas. Bom estado. Selo de chapa.*

Serenissime rrex domine clementissime

Non potui serenissime rex et potentissime non admirari benignitatem celsitudinis tuae qua me sibi multis nominibus devinctum quotidie magis ac magis exornat.

*Ad* me enim in omnibus ob eam illam quae mihi cum regia Majestate tua est servitutem obtemperaturum quodque mihi praecipiat loco summi beneficij accepturum. Nuncij tui ad sacrum concilium destinati tulerunt literas, in quibus celsitudo tua mihi eos commendat quos eram ipsius nomine amplexurus et ea omnia praestiturus quae vires meae licet tenuissimae suppeditare potuissent. Poterat ne unquam maius mihi tantae benignitatis signum exhiberi pro tanta itaque benignitate regiae Majestati tuae gratias ago eamque obnixe precor ut sibi persuadeat ea me omnia esse facturum quae non modo ad eam quam cum omni reverentia observo et colo sed ad omnes etiam qui vel tenui ratione ad ipsam spectant pertinere arbitrabor.

Reverendos patres qui ex parte sublimitatis tuae venerunt amplexum omneque sibi studium meum et diligentiam obtuli ac rogavi ut opera mea cum oportuerit uti velint sciantque me quacunq; in re possum sibi nunquam defuturum.

Gratulor deinde Majestati tuae quod priusquam caeteri christianae reipublicae principes vel demittendis ad sacram synodum literis cogitent ipsius litere omni pietate in Deum et reverentia erga sanctam ecclesiam et romanam sedem refertissimae lectae sunt; eoque omnium animo et applausu auditae ut per me exprimi satis non possit.

Det Deus Optimus Maximus sublimitati tuae exoptatam ab omnibus felicitatem et de christiani nominis hostibus ut toties fecit victoriam praebet salutarem simulque efficiat ut in me ac religionem (immo in res

suas tui enim sumus omnes rex benignissime) solitam gratiam integram  
servet.

Tridento xiiij Calendas Martij MDXLVI.

Majestati tuae

Servus  
frater Hieronymus generalis  
Sancti Augustini

(A. E.)